

## Dječija obdaništa su centri zajednice

Kada vaše dijete pohađa dječije obdanište, vama se pruža jednaka mogućnost da dobijete podršku kao roditelj, kao i da vaše dijete dobije njegu. Ova se podrška javlja kada:

- njegovatelji u centru su vrlo svjesni važnosti tih ranih godina za dječiji razvoj, zdravlje i dobrobit.
- postoje jake veze između dječijih obdaništa i ostalih agencija i stručnjaka unutar vaše zajednice, koje takođe podržavaju porodice i djecu, te
- njegovatelji ozbiljno shvataju ulogu koju oni mogu igrati u pomaganju porodicama da stupe u kontakt sa drugim službama koje one trebaju da pomognu u odgoju svoga djeteta.

### Važnost ranih godina za dječiji razvoj

Njegovatelji u dječijim obdaništima su veoma svjesni važnosti ranih godina za dječiji razvoj, zdravlje i dobrobit i odlučni su da pruže najbolje postojeće mogućnosti za vaše dijete, kako bi mu omogućili da se razvija u svom punom potencijalu. Posjedovanje dubokog razumijevanja ranog dječijeg razvoja i shvatanje važnosti ove faze u životu osobe je kritično u omogućavanju visoko kvalitetnih programa koji se pružaju u okviru službe. Njegovatelji kombinuju svoje shvatanje dječijih potreba sa njihovim diskusijama sa vama o vašim željama, brigama i prioritetima za vaše dijete i probaju da pruže iskustva koja pomažu razvoju i učenju svakog djeteta.

Kao roditelj trebate se osjećati slobodnim da postavljate pitanja i raspravljate o tome kako služba provodi programe koji su kreirani da pomognu razvoju i učenju vašeg djeteta. Kada njegovatelj dijeli opšte informacije sa vama o razvoju vašeg djeteta i drugim oblastima i kada vi i njegovatelj dijelite informacije o vašem djetetu, vi ste podržani u svojoj ulozi roditelja. Njegovatelji takođe imaju koristi od vaših gledišta i vaših perspektiva.

### Veze između dječijih obdaništa i drugih agencija i stručnjaka koji pomažu porodice i djecu

Dječija obdaništa ne mogu raditi izolovano i napraviti dobar posao podrške vama kao roditelju. Oni treba da imaju veze sa širokim nizom službi i agencija fokusiranih na porodicu i dijete. Ove veze pomažu njegovateljima da bolje rade posao u svojoj službi i daju im mogućnost da vama pomognu u povezivanju sa drugim odgovarajućim stručnjacima koji vam mogu pomoći. Ove veze mogu činiti vašu ulogu kao roditelja više zahvalnom i prijatnom. Kada se osjećate podržani kao roditelj vi ćete se osjećati više ojačanim i preuzete svoju ulogu u pozitivnijem smislu. Njegovatelji vas mogu posavjetovati o tome šta je dostupno i kako da dođete do ovih službi, agencija i stručnjaka, pa samo pitajte.

Razgovarajte sa dječijim obdaništem o tome šta vi trebate kao roditelj uz dobar kvalitet dječije njege. Ova informacija će dati vašem dječijem obdaništu bazu za razvijanje daljih veza i ukazivanje na široki niz porodičnih i dječijih potreba, na koje ste vi i ostali roditelji ukazali. Gradite partnerske odnose sa službom. Službe dječijeg obdaništa su postale pouzdani član porodičnog života i vitalni su centri zajednice.



Na inicijativu



Uz podršku

